



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **30-1186-2/21**

Sarajevo, 30.11.2021. godine

Int. br. nabavke: **30-238-9/21**

Na osnovu člana 17. stav (1), člana 18. stav 1. i člana 21. stav (1) tačka a) Zakona o javnim nabavkama BiH (Službeni glasnik BiH, broj: 39/14), člana 12. Pravilnika o javnim nabavkama roba, usluga i radova „Agencije za vodno područje rijeke Save“ Sarajevo i člana 47. Statuta "Agencije za vodno područje rijeke Save" Sarajevo, donosim

POSEBNU ODLUKU

o pokretanju postupka javne nabavke radova – Pregovarački postupak bez objave obavjesti o nabavci
"Dodatni radovi na projektu: Sanacioni radovi na koritu i slapu rijeke Plive"

Član 1.

Pokreće se postupak javne nabavke **pregovaračkim postupkom bez objave obavještenja o nabavci** za nabavku radova čiji je predmet **Dodatni radovi na projektu: Sanacioni radovi na koritu i slapu rijeke Plive.**

Član 2.

Predmetna nabavka nije predviđena u Planu nabavki "Agencije za vodno područje rijeke Save" Sarajevo za 2021. godinu, te će se ista evindetirati u Plan nabavki prilikom prve naredne Izmjene i dopune Plana nabavki.

Član 3.

Procjenjena vrijednost javne nabavke iznosi 80.000,00 KM (slovima: osamdesethiljada konvertibilnih maraka) bez PDV-a.
Za nabavku usluga iz člana 1. ove Odluke predviđena su sredstva u sklopu Plana i Finansijskog plana Agencije za 2021. godinu, ekonomski kod Tekuća rezerva.

Član 4.

Poziv za dostavljanje zahtjeva za učešće u postupku iz člana 1. Ove Odluke uputiti ponuđaču .

Član 5.

Ova odluka stupa na snagu danom donošenja.

Obrazloženje

"Agencija za vodno područje rijeke Save" Sarajevo već niz godina učestvuje u realizaciji projekta uređenja korita i obala rijeke Plive u Jajcu. Aktuelne radove na izvodi firma „Struktura“ d.o.o. Jajce po ugovoru broj: 30-536-17/21 od 30.08.2021. godine o izvođenju radova na projektu „Sanacioni radovi na koritu i slapu rijeke Plive“. Ukupna vrijednost ugovorenih radova po osnovnom ugovoru je 711.353,71 KM sa PDV i rokom izvođenja od 120 radnih dana od uvođenja izvođača u posao. Izvođač je uveden u posao dana 13.09.2021. godine.

Aktom broj 503-11/21 od 16.11.2021. godine nadzorni organ INK Constructor d.o.o. Banja Luka se obratio Agenciji sa Saglasnošću izvođaču na njegov akt broj IV-425/21 od 30.10.2021. godine za dodatne radove na predmetnom projektu. U svom aktu su naveli da su uočene određene razlike između postojećeg stanja na terenu i skice terena iz glavnog projekta iz 2000. godine izrađenog od strane tvrtke CONEX d.o.o. Mostar, kao nastale depresije unutar korita uslijed erodiranja istog vodom, kao i dodatna izvorišta na lijevoj obali korita rijeke Plive. Dalje, ugovornim troškovnikom radova predviđeno je izvođenje objekta u dvije faze obzirom da predviđene količine nisu dovoljne za završetak objekta praga broj 13, već iste pokrivaju cca 60 % istog. Također, nije predviđena ni izgradnja odgovarajućeg zemljanog zagata-napera, kao ni crpljenje procjedne i podzemne vode, bez kojih se ugovoreni radovi ne mogu kvalitetno izvoditi, niti se može dati garancija na kvalitet izvedenih radova bez izvođenja ovih radova. U skladu sa navedenim, uz prateću kontrolu nadzora, napravljen je pregled potrebnih radova vezanih za izgradnju odgovarajućeg zemljanog zagata-napera, kao troškova crpljenja procjedne i podzemne vode. Nakon analize dostavljenih dokumenata utvrđena je procjenjena vrijednost potrebnih radova i ona iznosi cca 80.000,00 KM bez PDV-a.

S obzirom da se radi o dodatnim radovima i aktivnostima koje se u trenutku zaključivanja ugovora nisu mogle predvidjeti, isti nisu uključeni u prvobitno razmatrani projekat. Takođe traženi radovi se se zbog svoje prirode ne mogu tehnički ili ekonomski odvojiti od glavnog ugovora bez većih nepogodnosti za ugovorni organ, a ukupna vrijednost dodatnih radova je oko 13 % od ugovornih radova.

U cilju dosljedne primjene osnovnih principa javnih nabavki, za navedene radove sa aktuelnim izvođačem će se provesti pregovarački postupak bez objave obavještenja za dodjelu ugovora za naknadne i nepredviđene radove kako bi se završili svi neophodni radovi na okončanju ovog projekta. Potrebni uslovi za to su kumulativno ispunjeni, a to su:

- Riječ je o dodatnim radovima koji nisu uključeni u prvobitno razmatrani ugovor, ali su usljed nepredviđenih okolnosti neophodni za izvršenje zajedno sa ugovorenim radovima
- Navedeni radovi se ne mogu tehnički ili ekonomski odvojiti od osnovnog ugovora bez većih nepogodnosti za ugovorni organ
- Ugovor za predmetne dodatne radove se zaključuje sa dobavljačem kome je dodjeljen osnovni ugovor
- Ukupna vrijednost dodatnih radova ne prelazi 20 % od osnovnog ugovora

Dostaviti:

- Sektor za ekonomske, pravne i opšte poslove
- Sektor za realizaciju projekata
- a/a



DIREKTOR

Sejad Delić
Sejad Delić, dipl.inž.